

ԲԱՔՎԻ ՆԱՅ ԲԱՐԵԳՈՐԾԱԿԱՆ ԸՆԿԵՐՈՒԹՅԱՆ ՊԱՏՄՈՒԹՅՈՒՆԻՑ

Աշխարհային թերակղզում, որ միջնադարում կազմում էր պարսկական Շիրվանի մի մասը, հայերը բնակվել են դեռևս վաղ միջնադարից և ունեցել են իրենց պաշարամունքային օջախները: 14-15-րդ դդ. արաբ աշխարհագրագետ և ճանապարհորդ Աբդ ալ-Ռաշիդ ալ Բաքուվին¹ նրանց ավանդաբար կոչում է քրիստոնյաներ և հաղորդում. «Բաքու քաղաքի մերձակայքը բազմաբնակավայր է, Լոթանից յուրաքանչյուրն ունի ամրացված միջնաբերդ՝ ամրապինդ պատերով: Այդ գյուղերի բոլոր բնակիչները քրիստոնյաներ են (հայեր)»²: Թերակղզու հայաբնակ բնակավայրերի շարքում հայ ժողովրդի պարամության մեջ առանձնահատուկ տեղ է զբաղեցնում Բաքու քաղաքը: Այդպիսով հայերը բնակվել են հնագույն ժամանակներից: Ըստ ավանդության՝ Նայոց Արևելից կողմանց (Արցախ, Ուրիք³) Վաչագան Բ. Բարեպաշտ թագավորի (485 - 510/23) ձմեռանոցն էր Բաքուն, 500 թվին Մեծ Նայքի Փայրակարան նահանգի Բագավան գավառն իբրև օժիպ նա նվիրել է դստերը՝ Վարսենիկին⁴: Քաղաքում նա նախաձեռնել է առաջին հայկական եկեղեցու կառուցումը՝ «Բագուայ հին և նշանաւոր եկեղեցի և ուխտարեղի...» Ս. Ասրվածածինը, որը գրնվում էր ծովեզերքի Նին թաղում՝ բերդի մոտ⁵: Վերջին անգամ այն վերանորոգվել է 1789 թ. նախիջևանցի վաճառական Մարկոս Թառնմյանի, շուշեցի վաճառականներ Զոհրաբ, Նովհաննես և Կարապետ Թումայանների կողմից⁶: Նայկական եկեղեցու գոյությունն արդեն իսկ վկայում է վաղ միջնադարյան Բաքվում հայ համայնքի գոյության մասին: Եկեղեցին կանգուն է մնացել մինչև 1992 թ.⁷ Ղարաբաղյան պատերազմի ժամանակաշրջան. Բաքվում աշխարած դիվանագետներից մեկն ականաբար է եղել, թե ինչպես էր գերնին հավասարեցվում Կույս Մարիամ մարտուր⁸: Այսօր արդեն նրա տեղում թեյարան է կառուցվել⁸:

1 Стн Энциклопедический словарь, под ред. проф. И. Андреевского, т. II, издатели Ф. Брокгауз, И. Ефрон, СПб., 1891, էջ 774:

2 Абд ар-Рашид ал-Бакуви, Китаб тахлис ал-асар ва аджа'иб ал-малик ал-Касхар, М., 1971, էջ 89-90.

3 Стн Գ. Սյրեփանյան, Բաքու քաղաքի հայության պարամությունը (պարամաժողովրդագրական ուսումնասիրություն), Երևան, 2011, էջ 37:

4 Стн «Նանրամարցելի հանրագրական բառարան», հ. Ա, կազմեց Ն. Առաքելյան, Թիֆլիս, 1915, էջ 199:

5 Стн Մ. Սմբարեանց, Նկարագիր Սուրբ Սյրեփանոսի վանաց Մաղիանի և մյա վանօրէից և ուխտարեղեաց եւս և քաղաքացն և գլուղից որք ի Շամախայ թեմի, Տիֆլիս, 1896, էջ 373:

6 Стн Գ. Սյրեփանյան, Նամատոր ակնարկ Բաքու քաղաքի հայկական եկեղեցիների պարամության, «Նայոց պարամության հարցեր», Երևան, 2007, էջ 153:

7 Стн Թոմաս դե Վաալ, Մեւ այգի: Նայապանն ու Ադրբեջանը խաղաղության և պատերազմի միջով, Երևան, 2007, էջ 155:

8 Գ. Սյրեփանյան, Նամատոր ակնարկ Բաքու քաղաքի հայկական եկեղեցիների պարամության, էջ 153:

Բաքվում հայերը ծավալել են փոփոխական, առևտրական ու շինարարական լայնածավալ գործունեություն՝ աչքի ընկնելով հարկապես նավթարդյունաբերության ասպարեզում, որն առանձին ուսումնասիրության և հետաքրքրության թեմա է: Այդուհանդերձ, հայ հասարակական կյանքում ձեռնարկվել են բարեգործական շարժման փոքր զբաղմունքներ, որոնք ևս առաջադիմական մեծ փոփոխություններ են առել բարեգործական և հասարակական մի շարք կազմակերպություններ:

Յուրաքանչյուր ժողովրդի առաջադիմությունն առաջնորդվում է պարմական ժամանակաշրջանի ուղեգծով, և որն էլ ծնում է այդ ժամանակահատվածի պահանջներով գործող անձանց: Այդպիսին էր ակնավոր հրապարակագիր Սյր. Նազարյանը: Նա 1859 թ. «Հյուսիսափայլ» ամսագրում տպագրում է «Հայերի կոչումն մարդկության մեջ» խորագրով նշանավոր հոդվածը, որով առաջարկում է բարեգործական մի ընկերություն ստեղծել՝ լուսավորություն տարածելու համար, քանզի կրթությունը մշտապես եղել էր ազգային առաջնահերթություն, փարբեր ժողովուրդների մեջ մրցունակ լինելու, հետևաբար և ինքնապահպանության լավագույն երաշխիք⁹: Նույն կոչով, սակայն առավել հանգամանակից նա հանդես է գալիս ամսագրի 1862 թ. համարներից մեկում: «Եթե մեր սիրելի Հայերը կամենում են մի հասարակություն և փոփոխական բարեգործ առնել ազգի մեջ, այդ կարելի է միայն ընկերությամբ, միաբանությամբ, որոց մեջ միայն դրանք է մարդկային մեծագործության բոլոր գործքները»¹⁰, - գրում է Սյր. Նազարյանը: Թերևս չենք կարող հստակ ասել՝ այս նշանավոր առաջարկության արձագանքն էր արդյոք Նոր-Նախիջևանում հիմնադրված հայ բարեգործական ընկերությունը, կամ արդեն 1860 թ. Ա. Պոլսում հիմնադրված հայկական բարեգործական ընկերությունը, որը, սակայն, երկար չկարողացավ պահպանել իր գոյությունը:

Սյր. Նազարյանի կոչին է արձագանքում Բաքվի նահանգի բժշկապետ թիֆլիսահայ Դավիթ Նարությունի Ռոստոմյանը (1820-1869): Նա իր առջև փռում էր գործունեության լայն ասպարեզ՝ սպասելով միայն նյութական օժանդակության, որ կարողանար ծառայել մի այնպիսի գործի, որ է՝ «լուսավորություն և բարեգործություն տարածել խառառ ամբոխի մեջ»¹¹: Նրան հաջողվում է գրել Բաքվի 12 ազդեցիկ հայ համախոհների, որոնք էին՝ թիֆլիսահայ Ալեքսեյ Տեր-Ղուկասյանը, Բաքվի հայ Սարգիս Այվազյանը, շամախեցի Գևորգ Լալայանը, շուշեցիներ Մովսես Զոհրաբյանը, Ներսես Կրասիկինյանը, Գրիգոր Թումայանը, Մուսայել Շահգեղանյանը, Սարգիս Տեր-Գրիգորյանը, Նալոթ Ապրեսյանը, Դավիթ Աղամյանը, Օհանջան Նախուրյանը և Սարգիս Գրիգորյանը. մարդիկ, ովքեր գերազանցապես զբաղվում էին փոփոխական գործունեությամբ՝ նավթարդյունաբերությամբ, առևտրով, արհեստներով: Վերջիններս ներդրեցին ու ձեռավորեցին 12.650 ռ. անձեռնմխելի դրամագույն: Հարկ ենք

9 Ս. Նազարյանը, Հայերի կոչումն մարդկության մեջ. «Հյուսիսափայլ», Մոսկվա, 1859, յոնուար, ամսաթերթակ 1, էջ 11:

10 «Մարտիանոս Նազարյանի երկերը», հ. Ա., Կովկասի հայոց հրապարակական ընկերություն, №15, Թիֆլիս, 1913, էջ 279:

11 Ա. Գալստյանը, Պարմական համառոտ փոփոխություն Բագուայ Հայոց Մարդասիրական ընկերության 25-ամյա գործունեության, Բագու, 1891, էջ 6:

համարում ստորել բերել 13 հիմնադիրների անվանացանկը և նրանցից յուրաքանչյուրի ստորագրած գումարի քանակության ցուցակը.

- | | |
|--------------------------------|-------------------------------|
| 1. Դ. Ռոստոմյանց - 500 ռ. | 2. Ն. Կրասիլնիկյանց - 2000 ռ. |
| 3. Ա. Տեր-Ղուկասյանց - 5000 ռ. | 4. Մ. Զոհրաբյանց - 600 ռ. |
| 5. Մ. Շահգեղանյանց - 700 ռ. | 6. Գր. Թումայանց - 500 ռ. |
| 7. Ս. Այվազյանց - 500 ռ. | 8. Ս. Տեր-Գրիգորյանց - 700 ռ. |
| 9. Գ. Լալայանց - 750 ռ. | 10. Ն. Ապրեսյանց - 300 ռ. |
| 11. Դ. Ադամյանց - 500 ռ. | 12. Օ. Նախումյանց - 300 ռ. |
| 13. Ս. Գրիգորյանց - 300 ռ. | |

Այսպիսով՝ 1862-1864 թթ. հղանում և ծնվում է «Նայոց Մարդասիրական ընկերություն յանուն Ս. Գրիգոր Լուսաւորչի» բարեգործականը՝ լուսավորական, մշակութային և բարեսիրական գործունեություն ծավալելու նպատակով: Շուրջ երկու տարի կարարվեց նախապարաստական դժվարին աշխատանք, և 1864 թ. մայիսի 21-ին կայսերական թույլտվությամբ հաստատվեց «Մարդասիրական ընկերության» կանոնադրությունը՝ տարվ նրան «Լուսաւորչի փոխդուր» կրելու իրավունքը¹²: Այն կազմել են Ռոստոմյանցը և Զոհրաբյանցը: Նորաստեղծ ընկերության կանոնադրությունը բաղկացած էր 5 գլխից, որի 1-ին գլխում ասված էր. «Լուսավորություն և բարեգործություն տարածել Ռուսաստանի հպարակ գրնուած Նայոց մէջ, առանց զանազանելու նոցա կոչումը և դասանութիւնը»¹³: Ըստ հաստատված կանոնադրության՝ ընկերությունն ունեցել է հիմնադիր, պարավաւոր, անփոփոխ և տարեկան անդամներ: Ընկերությունը ղեկավարել են հիմնադիր անդամները, խորհուրդը (3 տարի ժամկետով ընտրված նախագահը և 8 անդամները), ընդհանուր ժողովը: Այն իրավունք է ունեցել գործելու Ռուսական կայսրության հայաբնակ վայրերում և հաշվելու է եղել Կովկասի փոխարքային ու Բաքվի նահանգապետին¹⁴: Ընկերության նշանաբանն էր՝ «Սեր առ մարդիկ»¹⁵:

Իր գործունեության առաջին շրջանում՝ 1864 թ. մայիսի 21-ից մինչև 1870 թ. հունվարի 25, նախագահել է ընկերության հիմնադիր Դ. Ռոստոմյանցը: Նրանից հետո ընկերության նախագահներն են եղել Մովսես Զոհրաբյանցը (1870-1873), Պավել Շամիրի Մելիք-Բեգլարյանցը (1873-1876), Ավետ Մամիկոնյանը (1876-1879), Սամվել Բաղիրյանը (1879-1882), Գրիգոր Թումայանցը (1882-1885), Քրիստափոր Անտոնյանը (1885-1889), Մարգիս Նարությունյանը (1889-1905), Կոստանդին Խաչիսյանը (1905-1910), Միքայել Պապաջանյանը (1911-1913), Նայկ Տեր-Միքայելյանը (1913-1920)¹⁶:

«Մարդասիրական ընկերության» նյութական միջոցները գոյացել են հիմնադիր կապիտալից, նվիրատվություններից, անդամավճարներից, կապիտալի

12 Տե՛ս ակո, էջ 7-8:

13 Տե՛ս «Устав человеколюбиваго общества во имя св. Григория просветителя Армении» СПб., 1865, էջ 4-30:

14 Տե՛ս ակո, էջ 7:

15 Խ.Ղ.Աղապալան, Նայերը և Բարուն (1850-ական թթ.- 1920 թ.), Երևան, 2006, էջ 66:

16 Տե՛ս «Отчет о деятельности правления Бакинскогo армянскогo человеколюбивогo общества за 1902 г.», Баку, 1903, с. 2-9.

շահութաբովանդակներից, շարժական և անշարժ գույքի եկամույսներից, երեկույթների, համերգների, ժողովրդական պոռնահանդեսների կազմակերպման գումարներից:

Ընկերությունը հաջողության իր բարձրակերպին է գտնվել գործունեության առաջին իսկ շրջանից: 1860-ական թվականներին այն նյութական օգնություն է ցուցաբերել Բաքվի հայոց երկսեռ դպրոցներին, գաղթականներին, աղքատներին և հիվանդներին, օրիորդաց դպրոցներին, հայ լրագիրներին, գործավարական և փոխավարական գործերին:

1870 - 1873 թթ. ընկերությունն ընդլայնում է իր գործունեության շրջանակները: 1870 թ. բացում է իգական դպրոց, որտեղ աղքատ հայ աղջնակները սովորում էին հայերեն, ռուսերեն և կար ու ձև (մինչև առաջին աշխաթանարար նրանց թիվը 400 - ի էր հասնում), հիմնում է «Արո» փայտանրձիգ փայտագործեր փայտագործու և սովորողներին անվճար բաժանելու համար: Տպարանը նաև թանգարան էր, որտեղ հավաքել են ձեռագրեր, հնարարի գրքեր, հայ գործիչների արխիվներ: Նույն թվականին է բացվում Բաքվի առաջին հանրային գրադարանը, իսկ 1880 թ.՝ կից ընթերցասրահ: Գրադարանից և ընթերցասրահից օգտվել են Բաքվի աշխարավորները՝ շուրջ 32700 մարդ: 1914 թ. գրադարանն ունեցել է 21800 գիրք, 68 անուն պարբերական: 1920 թ. - ից հետո գրադարանը վերանվանվել է Նախապետական հանրային գրադարանի, որի հայկական բաժինը դադարել է գործել 1960 - ական թվականներին: 1894 թ. - ից ստեղծվել է գրական ֆոնդ: Գրադարանում փայտե փայտիկներ աշխարհել են Շիրվանզադեն և Լեոն¹⁷: Բացի փայտանրձիգ և իգական դպրոցից՝ ընկերությունը 1870 թ. ռեալական գիմնազիայի աշակերտների ջանքերով նավթարդյունաբերող Կրասնիկյանների փամուռը հիմնեց քաղաքի հայկական թատրոնը (420 նստատեղով): Մինչև 1918 թ. բեմադրվել են հայ, ռուս և արտասահմանյան դրամատուրգների փանյակ պիեսներ: Թատրոնի բեմում հանդես են եկել հայ լավագույն դերասաններ Սիրանույշը, Ազնիվ Նրաչյան, Ն. Գ. Զարիֆյանը և ուրիշներ¹⁸:

Իր գործունեության ողջ ընթացքում ընկերությունն ունեցել է երեք շինություն: Սկզբնական շրջանում ընկերությունը փողակայված էր մասնավոր անձանց փնտրում¹⁹: Դա դժվարություններ էր ստեղծում աշխատանքի արդյունավետ կազմակերպման համար: Եւ 1871 - 1873 թթ. նորակառույց Ս. Գրիգոր Լուսավորիչ եկեղեցու արտաքին սրահի դարպարկ մերձակայքում (Գիմնազիական կողմ, թիվ 119) կառուցվում է մեկ ու կես հարկանի շենք, որտեղ հանգրվանում են վարչության գրասենյակը և դպրոցները: Շենքն ունեցել է 13 լուսավոր և հարմարավետ սենյակներ, որտեղ փողակայվել են Ս. Նոյսիսիյան օրիորդաց և Ս. Մեսրոպյան արական եկեղեցական - ծխական դպրոցները, փայտանրձիգ և գրադարան ընթերցասրահը²⁰: Մական 1886 թ. ընկերության

17 Տե՛ս ՆՍՀ, հ. 7, Երևան, 1981, էջ 307:

18 Տե՛ս ՆՍՀ, հ. 2, Երևան, 1976, էջ 344:

19 Տե՛ս «Արարաթ», Էջմիածին, 1871, Ա., էջ 336:

20 Տե՛ս «Краткий исторический очерк состояния и деятельности Бакинского человеколюбивого общества во имя Св. Григория Просветителя Армении с 1854 по 1896 гг.», составил член совета общества, секретарь А. Калустяни, Баку, 1896, էջ 31:

շենքը հրդեհվում է, և 1888.- ից սկսվում է նոր եռահարկ շենքի շինարարությունը: Այն կառուցվել է հիմնականում բաքվահայերի հանգանակած գումարներով, որը կազմել է 115.155 ռ.: Իսկ արդեն Ի. դարասկզբին ընկերությունը որոշում է Սփանիսալսկայա փողոցում կառուցել նոր երկհարկ շենք, որն առավել հարմարավետ էր:

Մինչև 1875 թ. ընկերությունը գործունեություն է ծավալել հիմնականում Բաքվում: Այս ժամանակահատվածում այն օգնություն է ցուցաբերել հայ մշակութային կյանքին, Բաքվի երկսեռ դպրոցներին, ուսանողներին, աշակերտներին, Գանձակի և հարակից շրջանների հայ ծխական դպրոցներին միանվագ դրամով և գրքերով, Քիլվարի գյուղական դպրոցին, Բաքվի և Գանձակի աղքատներին: Ընկերությունը սափար է կանգնել որբերին և այրիներին, կերակրել է ծերերին ու անօգնականներին, բժշկական օգնություն է ցույց տվել հիվանդներին, նպաստել գործազուրկ բանվորներին ու քայքայված արհեստավորներին: Ընկերության ձեռնարկած բարեգործական շարժումն այնքան մեծ ծավալ և ազդեցություն է ձեռք բերում, որ նրան լծողվում են նաև բարեգործական այլ կազմակերպություններ: Երբ Շամախիում 1872 թ. հունվարի 16-ին տեղի ունեցած աղետալի երկրաշարժի և սովի հետևանքով Իրանից տեղահան եղած հայությունը հանգրվանեց Բաքվում, տեղի հայ հասարակությունը, մտահոգված իր հայրենակիցների հետագա ճակատագրով, հնարավոր բոլոր միջոցներով փորձեց նվազեցնել նրանց անհամար կարիքները: Այդ օրերին հարկապես աչքի է ընկնում Ս. Գրիգոր Լուսավորիչ Մայր եկեղեցու ավ. քին. Թադեոս Բողաղյանը: 1872 թ. ապրիլի 1 - ին վերջինիս, ինչպես նաև գեներալ Ն. Լազարյանի, մայոր Զոհրաբյանցի և վաճառական Դիդարյանցի նախաձեռնությամբ ստեղծվում է «Բաքվի հայոց աղքատախումբ եկեղեցական հոգաբարձությունը», որի անդամներն էին Թադեոս քին. Բողաղյանը, Գրիգոր Ավագյանը, Գրիգոր Դիդարյանը, Անդրեաս Մելիքյանը, Բաղդասար Սարգսյանը, իսկ գործավար և հաշվապահ՝ Սարգիս Վարշամյանը: Նախագահն էր քահանա Բողաղյանը²¹: Հոգաբարձության կանոնադրությունը բաղկացած էր 5 կետից, որի 1 - ին կետում ասված էր. «Բազու քաղաքում կարգում է նորահաստար ընկերություն՝ աղքատաց և փրկական ապրուստի հոգալու. նրանցից ցուցաբերելու ու հիմնականում բժշկության հնարները գործ դնելու և մեռելոց թաղման կարգը կատարելու համար»²²: Նրա առաջին գործը աշխարհումակ գաղթականներին աշխատանքի տեղավորելն էր, թեև իր գործունեության շրջանակները լայնարձակ և բազմաբնույթ էին:

Ամեն ինչ, սակայն, հարթ ու խաղաղ չէր ընթանում: Բաքվի հայությանն առաջին լուրջ, ծանր հարվածը հասցրեց Կովկասի քաղաքացիական մասի գլխավոր պետ և Կովկասյան զինվորական շրջանի հրամանատար իշխան Գոլիցինը: Նրա հրամանով 1885 - 1886 թթ. փակվեցին Այսրկովկասի հայկական դպրոցները, արգելվեցին մայրենի լեզվով հրապարակությունները, հալածվեցին ազգային մշակույթի գործիչները՝

21 Գ. Մարտիրոսյան, Համառոտ ակնարկ Բաքվի Ս. Գրիգոր Լուսավորիչ եկեղեցու պատմության. ԼՂԳ, թ. 3, Երևան, 2009, էջ 48:

22 «Մշակ», Թիֆլիս, 21. II. 1880:

ուղեկցվելով բռնի ռուսացման քաղաքականությամբ: Փակվում են հայկական եկեղեցական դպրոցները, ինչպես նաև հայկական բարեգործական ընկերությունները՝ դրանց փախվ ոչ թե բարեգործական, այլ քաղաքական բնույթ²³: 1899 թ. նրա հրամանով Ռուսաստանի ներքին գործերի նախարար Ի. Լ. Գորեմիկինը հաստատում է ընկերության նոր կանոնադրությունը (ունեցել է 500 անդամ), որով այն գրկվում է մշակութային և ուսումնական գործունեության իրավունքից: ա Դրանով արգելվեց ընկերության լուսավորչական-մշակութային գործունեությունը և թույլատրվեց զբաղվել միայն բարեգործությամբ, այն էլ լիկ Բաբվի նահանգում, ինչի հետևանքով փոխվեց անգամ ընկերության անվանումը. կոչվեց «Բաբվի հայոց մարդասիրական ընկերություն»²⁴: Այդ իսկ պարճառով ընկերությունն իր հավաքած գումարները նվիրաբերում է Էջմիածնի Գեորգյան ճեմարանին և Շուշիի հայոց հոգևոր դպրոցին: Եւ միայն 1913 թ. մայիսի 21 - ին վերականգնվում են նախկին անվանումն ու գործունեության շրջանակները²⁵:

Սակայն այս արգելքները չեն խանգարում, որ Բաբվի հայությունը շարունակի ազգապահպանության, հարաբերման իր բուռն ձգտումը և ձգտման իրագործումը: 1897 թ. ընկերությունը որոշում է ընդունում հայ գրողներին նյութապես աջակցելու համար (Նովի. Թումանյան, Ալ. Շիրվանզադե, Վրթ. Փափագյան, Պ. Պոռչյան և ուրիշներ): Այս ընթացքում ընկերությունը Սյանիալավսկայա փողոցում ձևոր է բերում երեք կառույց: Գրիգոր Թումանյանը, լինելով խոշոր նավթարդյունաբերող, շոգենավերի փեր, վաճառականների հանձնակալարարության փարեկան շահույթը անմնացորդ նվիրաբերում էր ընկերությանը՝ դպրոցներին փրամադրելու համար: Ահա այս մարդը կառուցեց և ընկերությանը նվիրեց իր անունը կրող երկհարկանի մի շենք, որտեղ բացվեցին մանկամտը, կարի արհեստանոց և լվացքատուն:

Մեկ այլ նշանավոր նավթարդյունաբերող, «Մյունիք» ընկերության վարչության նախագահ Դավիթ Ավան-Յուզբաշյանը, ի հիշարակ իր վաղամեռիկ որդի Խոսրովի, Գր. Թումանյանի շենքի հարևանությամբ 24 հազ. ռ. - ով կառուցեց մի երկհարկանի շենք, որտեղ բացվեց որբանոց: Նրանց օրինակին հետևեց Լյուդվիգ Սերգեյանը, որը 10 հազ. ռ. - ով կառուցեց մեկուկես հարկանի մի մասնաշենք, որի անվճար կամ էժան բնակարանները փրամադրվում էին հայ կարիքավորներին: 1902-1906 թթ. գործեց ընկերության Աշխատանքի փունը, որի 8 արհեստագործական բաժանմունքներում աշխատում էին 144 կին, 145 փղամարդ և 525 երկսեռ երեխա: Ընկերությունն ուներ նաև իր ճաշարանը, որտեղ օրական 136 ճաշաբաժին էր փրվում, իսկ մագութն անվճար փրամադրում էին Ալ. Մանթաշյանցն ու Ղուկասյան եղբայրները²⁶:

Թվում էր՝ Առաջին համաշխարհային պարերազմը պերք է խոչընդոտեր ընկերության աշխատանքներին, սակայն, այն դրդեց աշխուժացնել գործունեությունը՝ սրանձնելով բառացիորեն ազգապահպանության առաքելություն: 1914 թ.

23 Է. Ավունի, Կովկասեան վերքեր, Կ. Ա., Ժրնա, 1903, էջ 80:

24 «Տեղեկագիր և հաշիւ Բագուի Նայոց մարդասիրական ընկերութեան 1906 թականի», Բագու, 1907, էջ 4:

25 Տե՛ս «Նաշիւ 1913թ. գործունեութեան Բագուի Նայոց Մարդասիրական ընկերութեան Յանուն Ս. Գրիգոր Լուսարցի», Բագու, 1914, էջ 4:

26 Տե՛ս Ա. Գալստեանց, նշվ. աշխ., էջ 8-48:

ընկերությունը վիրավոր հայ գինվորների բուժման համար բացում է ամբուլատորիաներ, հիվանդանոցներ, ֆեղշերական կենտրոններ՝ ապահովված բժշկական անձնակազմով և գույքով: Նայկական առաջին հիվանդանոցը բացվում է 1914 թ. հոկտեմբերի 26-ին²⁷, ինչի համար թագուհի Մարիա Ֆեոդորովնան ցարի անունից առանձնահատուկ շնորհակալագիր է ուղարկել ընկերությանը²⁸: Բաքվի քաղաքային հասարակական կառավարման վարչությանն առընթեր ընկերությունը հիմնում է հարուկ քաղաքային կենտրոնական կոմիտե՝ հայ մարտիկների ու նրանց ընտանիքների համար դրամական նվիրատվություններ ժողովելու նպատակով, Կանանց կոմիտե՝ գաղթականներին օժանդակելու համար: Սակայն անգամ նման պայմաններում չմոռացվեց կրթական գործը, 1914 - 1915 թթ. ուսումնական տարում ընկերությունը դրամական օժանդակություն է ցուցաբերում Շամախիի թեմի 11 ծխական - եկեղեցական դպրոցներին: Տարին երկու անգամ Ս. Ծննդյան և Զարկի տներին ընկերությանը պարտադիր դրամական նվիրատվություններ էին արվում, որոնց գումարը տարանվում էր 200 - 300 ռ. սահմաններում: Ամենախոշոր նվիրատուն, անշուշտ, Ալ. Մանթաշյանցն էր, որ թեպետ ընկերության անդամ չէր (Թիֆլիսի Կովկասի հայոց բարեգործական ընկերության պատվավոր նախագահն էր), սակայն անհաղորդ մնալ չէր կարող. նա 600 ռ. էր տրամադրում²⁹ ու եւս 100 - ական ռ. Թիֆլիսի Առևտրային բանկի անունից: Սակայն անհրաժեշտաբար չենք մոռանում այն մարդկանց անունները, որոնց նվիրաբերած գումարները կազմում էր 2 - 3 տուրլի (Գ. Մելիք - Մարության, Գ. Մանկասարյան, Տեր - Օհանյան, Ավշարյան, Չաղ - Մախչյան եղբայրներ և փասնյակ ուրիշներ): 1914 թ. Ս. Ծննդյան կապակցությամբ 90 անձինք ու գործակալություններ նվիրաբերեցին 7941 ռ., իսկ Զարկի աթոյով 73 անձ էլ ընկերություն՝ 5978 ռ.³⁰: Ս. Ծննդյան և Զարկի նվիրատուների թվաքանակների տարբերությունը ուներ պարզառաքանություն. Ս. Ծննդին նվիրատվություններ էին կատարում նաև հայ ձեռնարկարարների հետ գործնական կապեր ունեցող կամ չունեցող այլագգիներ, իսկ Զարկի կապակցությամբ՝ չինի բացառությամբ՝ միայն հայերը: Նշենք նրանց անվանացանկը՝ «Նորել եղբայրներ», Ռուբիլյոնների «Կասպից-սեւծովյան ընկ.», «Գուրյուսար և որդի», «Մարուկեն և ընկ.», «Է. Թիմանս և ընկ.», «Ժորժ և եղբայրներ» ֆիրմաները, Աննա Բայարդինան, Ռ. Կայգերը, Ա. Շմիտսկին, Մ. Շումսկերը, Վ. Բիխովսկին, Գ. Լիստը, Բյերինգը:

Ընկերությունը մեծապես տուժում է 1918 թ. սեպտեմբերին թուրքական բանակի կողմից Բաքուն գրավելու պարզառով: Այն կապ է հաստատել Բաքվի կոմունայի ղեկավարներ Ս. Շահումյանի և Պ. Զափարիձեի հետ՝ մասնակցելով թուրքական բանակի դեմ Բաքվի պաշտպանությանը: Ընկերության վերջին նախագահ Նայկ Տեր-Միքայելյանը հայրնի պարզառնելով հնարավորություն չունենալով հրապարակելու 1917, 1918, 1919 թթ. տարեկան հաշվետվությունները, 1920 թ. հանդես է եկել այդ երեք

27 Տե՛ս «Արև», Բազու, 1914, հոկտեմբեր 26, № 167:

28 Տե՛ս «Նորիզոն», Թիֆլիս, 1915, սեպտեմբեր 19, № 212:

29 Խ. Դադայան, Ալեքսանդր Մանթաշյանց, Երևան, 2011, էջ 27:

30 Տե՛ս Ս. Վարդանանց, Նաշխ կամ համառոտ նկարագրություն Մարդասիրական ընկերության, Բազու, 1873, էջ 20:

տարիների իր գործունեության ամփոփիչ զեկույցով, համաձայն որի՝ ընկերությունը Բաքվի Նայոց Ազգային խորհրդի հետ համատեղ հավաքել է 735.000 ռ. և մինչև 1920 թ. մայիսը շարունակել է կոտորածներից փրկված հայության բազմաթիվ օգնության գործը³¹:

Ա Ադրբեջանում խորհրդային իշխանության հաստատումից հետո՝ 1921 թ. սկզբին 56 - ամյա ընկերությունը փակվում է՝ մեր ժողովրդի մեծության նժարի մեջ դնելով նշանավոր մի կազմակերպության 56 - ամյա պարունության բաժինը և ապացուցելով, որ բարերարությունը մեր քրիստոնյա էության անբաժնելի բաղադրամասն է, մեր եկեղեցու և մեր ազգային կապիտալի միասնականության դրսևորումը: Այն դարձավ Բաքվի հայության ինքնակազմակերպման, ազգային ինքնավարության մի յուրաքանչյուր մարմին³², որը, ինչպես 1889 թ. մայիսի 21 - ին՝ ընկերության 25 - ամյա հոբելյանի հանդիսության ժամանակ, ընկերության որդեգիր Շահագիզ Կամսարականն է Մոսկվա ուղարկված հեռագրում ասել, միշտ գործել, միշտ աշխատել, միշտ հերկել է հայրենիքի բարոյական անդաստանը՝ առաջադիմության, կրթության և լուսավորության սուրբ գործի համար³³:

31 Տե՛ս «Նայերի կոտորածները Բաքվի և Ելիզավեպոլի նահանգներում 1918-1920 թթ.» (փաստաթղթերի և նյութերի ժողովածու), Երևան, 2003, էջ 436:

32 Տե՛ս В. Дятлов, Э. Мелконян, Армянская диаспора: Очерки социокультурной типологии, Ереван, 2009, էջ 93:

33 Տե՛ս «Սոխակ Նայասրանի, Ազգային լիակալար երգարան», հ. Ա., Բազու, 1902, էջ 302: